

Ein Ort für Begegnung  
und Dialog

ilanzersommer.ch

7. – 13.  
August  
2022

## La secunda ediziun digl Ilanzer Sommer – in liug per sentupadas e dialogs

Communicaziun allas medias dil Forum per ina cultura da pasch dils 09 da zercladur 2022

dall'occurrentza [Ilanzer Sommer – in liug per sentupadas e dialogs](#) ei in festival da stad tut aparti. El cumpeggia ver trenta occurrenzas davart il tema cultura da discussiun ed ha liug uonn per la secunda ga, denter auter ella casa da sentupada [Haus der Begegnung](#) dalla claustra da Glion, el Cinema Sil Plaz, el Museum Regional Surselva e da niev era ella Residenza St. Joseph a Glion.

**Igl Ilanzer Sommer ei in program da cultura.** Era quella ga prevesa il program *las ponderaziuns*: duront las spassegiadas dad in'ura san las participontas ed ils participonts tedlar ils patratgs da personalitads localas sco cusseglier guvernativ Jon Domenic Parolini ed Alice Bertogg dalla Lia Rumantscha en lur discuors davart il tema «Rumantsch: in ferm toc Svizra». Il Cinema Sil Plaz muossa la *seria da films tematica Stad da Pasch*. Il reschissur svizzer Mano Khalil rispunda suenter la presentaziun da siu pli niev film «Nachbarn» (2021) a damondas dil public. In punct culminont dil festival ei la *sera d'avertura concertanta* ella baselgia claustrala. Il choR inter kultuR (sut la direcziun da Fortunat Frölich) ed il Chor da Scuntrada (dirigius da Rilana Cadruvi e Flavia Walder) concerteschan ensemen cun in ensemble oriental e musica electronica. Il concert vegn accumpignaus da tuns dalla gronda orgla da baselgia.

**Igl Ilanzer Sommer ei in program da perfecziunament.**

El *referat* «Frieden in Europa: Welche Rolle spielt die Schweiz?» dat il diplomat svizzer Thomas Greminger envesta ella politica da pasch svizra. Greminger ei il directur dil Center genevrin per politica da segirtad ed anteriur secretari general dalla OSCE, l'Organisaziun per la segirtad e la cooperaziun dall'Europa. Suenter il referat ha liug ina *discussiun al podium* cun il schurnalist Andreas Zumach, Leandra Bias da swisspeace ed Angela Mattli da Public Eye. Cun *quendischi ateliers* offerin nus el liug da sentupada Haus der Begegnung in vast program da perfecziunament davart il tema cultura da discussiun.

**Igl Ilanzer Sommer ei in'jamna da moviment.** Semuentar munta: svidar il tgau. Nus organisein turas en muntogna e spassegiadas tematicas en Surselva. «Durch das Tal des Lichts» secloma la tura tras la Val Lumnezia sin ils pézs Hitzegga (2109 m s.m.) e Mundaun (2064 m s.m.) che premetta ina buna cundiziun. Pli pacifica ei la spassegiada cun viseta guidata al mulin historic da Schnaus.

Il festival Ilanzer Sommer – in liug per sentupadas e dialogs ei in'occurrentza dil [Forum per ina cultura da pasch](#) sut la direcziun dad Adi Blum, Lea Suter e Sarah Leonor Müller.

**Ein Ort für Begegnung  
und Dialog**

**ilanzersommer.ch**

**7. – 13.  
August  
2022**

Contact per las medias: Adi Blum, 079 657 77 71, [adi.blum@forumfriedenskultur.ch](mailto:adi.blum@forumfriedenskultur.ch)

Communicaziun: Sarah L. Müller: 079 548 15 87, [sarah.mueller@forumfriedenskultur.ch](mailto:sarah.mueller@forumfriedenskultur.ch)

Medias socialas:

<https://twitter.com/IlanzerSommer>

<https://www.facebook.com/IlanzerSommer2022>

<https://www.linkedin.com/company/forumfriedenskultur>